

An credis Deum magis tua humilitate glorificari, tuamque ac fidelium animam majori pinguedine repleri, quam hoc divino sacrificio & sacramento? Esne humilior quam D. Apostolus Andreas, qui tamen Agnum immaculatum in altari quotidie immolabat? Esne humilior & prudentior quam S. Ambrosius, quam S. Thomas Aquinas, quam B. Laurentius Justinianus, & quam innumeri alii, qui nullo die sacrificium Deo offerre neglexerunt, non quidem arido usu, torpida intentione, & perfunctorio modo, sed ex impulsu Divini amoris & diligentissimae præparatione? Nonne his exemplis & aliis rationibus allatis devoratur sapientia tua? verius dicamus: nonne propter transgressionem Dominicæ præcepti, propter scandalum, & sterilitatem animæ tuæ, in peccati & mortis barathrum, falsa humilitate exceccatus, te præceps destrudis?

Vx illi qui suo sensu hac in re pertinaciter abundat, & qui non manducans, manducantem judicat & spernit! nonne audiet & sentiet pondus istorum verborum? Si quis mundus est, & tamen non fecit Phase, exterminabitur anima illa de-

populis suis quia sacrificium non obtulit domino tempore suo. Num. 9. v. 13. Et istorum? Dico vobis quod nemo virorum illorum, qui vocati sunt gustabit cœnam meam. Luc. 14. v. 24. Qui legit intelligat & timeat,

ARTICULUS V.

Exercitia ante Missa celebrationem.

Monita salutis.

*P*aratur nobis mensa Domini, in qua fecit memoriam suorum mirabilium, ubi divitias divini sui erga homines amoris velut effudit, & in qua ipse sanctitatis author sumitur tanquam antidotum quo liberamur a culpis quotidianis, & a peccatis mortali bus præservamus. Trid. Verum, unde fit ut nos qui divina mysteria toties frequenter, simus infirmi, imbecilles, & dormientes multi? unde fit, ut nos, qui panem Angelorum toties manducamus, deletemur siliquis porcorum, siamus forsitan propter peccata occulta & aliena rei corporis & sanguinis Christi, & ut habentes quidem speciem pietatis, veritatem autem ejus abnegantes, judicium tandem nobis manducemus & bibamus? Heu! nimis quia obi-

ter & perfunctione opus grande gerimus usum
potius & turpis lucri gratia, quam affectu du-
cimur, non dijudicantes corpus Domini. Ca-
veamus, charissimi Fratres, ne lumen quod
in nobis est, tenebra sint, quapropter cogi-
temus haec gravissima verba.

Grande opus! neque homini præpara-
ratur habitatio, sed Deo. Pave te ad sanc-
tuarium meum. Maledictus qui facit opus
Dei negligenter. Sacerdotes sancti erunt
Deo suo, & non polluent nomen ejus; in-
censum enim & panes Dei sui offerunt,
& ideo sancti erunt. Probet autem seip-
sum homo, & sic de pane illo edat, &
de calice bibat; qui enim manducat, &
bibit indignè, judicium sibi manducat, &
bibit.

Mores etiam istius, quod ad nos spec-
tat: Mundamini qui fertis vasa Domini;
ita ut nullus sibi conscius peccati mortalis,
quamvis sibi contritus videatur, absque prä-
missa sacramentali confessione ad sacram
Eucharistiam accedere debeat. Trid. Quini-
mò peccata venialia qua contristant Spi-
ritum Sanctum, & qua uberiorem hujus
Sacramenti fructum præpediunt, lugeamus,
& ea tanquam à facie colubri fugere con-
murmur. Hoc Christus Dominus docuit cùm

discipulorum pedes lavit, antequam recipie-
rent & manducarent corpus ejus. Denique
quamyis adeentes cum fiducia ad thronum
gratia, habeamus vestem nuptialem, atta-
men opera preium est, ut actualem ani-
mi devotionem omni cura excitemus, ut
gustare & videre possimus quam suavis sit
Dominus,

Proderit etiam meditari sapienter: quis
sit qui in Sacramento venit; ad quos venit;
quare; quomodo; quoties veniat. Effunda-
mus coram illo corda nostra: cum simpli-
cibus sermocinatio ejus. Eum ergo queramus
in simplicitate cordis nostri; & cùm va-
rietas arceat fastidium ex crebra unius &
ejusdem præparationis repetitione oriri solitu-
tum, adhibeamus, si spiritus spiret, bre-
ves sed ignitas aspirationes, velut diversa
fercula in eadem mensa, sed corde potius
quam ore proferendas. His ignitis aspiratio-
nibus identidem per diem & medias inter oc-
cupationes elicitis, sàpè magis conditur pie-
tatis opus, & ardentiùs inardescit animus,
quam prolixis orationibus & exercitiis. Da
amantem, & sentit quod dico; da deside-
rantem, da esurientem; da in hac solitu-
dine peregrinantem atque sitiensem, & fon-
tem aeternæ vita suspirantem; da talem,

& scit quid dicam; si autem frigido loquor,
nescit quod loquor. S. Aug. Excutiamus, Fra-
tres charissimi, pulverem terrenum, & spi-
ritu ferventes, corde & animo paryuli, is-
tam sequamur methodum & praxim.

- I. Intentio rectificanda.
- II. Christi passio memoranda.
- III. Amor excitandus.
- IV. Humilitas concipienda.
- V. Assistantia Sanctorum flagitanda.

*Actus jaculatorii & igniti, quos de corde ex-
pedit elicere manè ante Missam, inter ipsa
negotia, inter confessiones audiendas, & in-
ter ceteras ministerii functiones implendas.*

*Cogita Angelum custodem te sic alloqui &
monere.*

Ecce Magister adest & vocat te; fes-
tinans descende, quia hodiè in domo tua
oportet illum manere. Hæc est dies quam
fecit tibi, exultes & læteris in ea. Ecce
sponsus venit, exi obviam ei; veni &
propera; mirabitur & dilatabitur cor
tuum. Ecce Rex tuus venit tibi man-
suetus; holocausta medullata offeras il-
li, ut domum tuam scopis mundatam in-
veniens, hanc benedictionibus dulcedinis
replete. O si scires donum Dei, &

quis sit ille qui venit ad te, quātò celerius
properares? quātò serventiūs præparares
cor tuum in adventu illius! Verūm accede,
& illuminare.

Excita fidem.

O Jesu tu ipsa veritas dixisti: *Hoc est
Corpus meum.* Credo Domine, verè tu es
Deus absconditus, tu es Christus filius
Dei vivi, qui in hunc mundum venisti,
& quem pastores & reges procidentes ado-
raverunt. Adauge fidem meam, ut te
cognoscens Jesum Christum, præparem
cor meum, ac ea qua potero te recipiam
reverentia & humilitate; præstet fides sup-
plementum, sensuum defectui.

Deum adora.

Rex regum & Dominus dominantium!
Dominus meus & Deus meus! Rex meus
& Deus meus. Tu solus altissimus, &
substantia mea tanquam nihilum ante te.
Tibi Regi sæculorum immortali, soli Deo,
honor & gloria. Adoro te ut principium
& finem; omnis terra adoret te & psallat
tibi. Adorate eum omnes Angeli ejus,
etc.

Admirare.

Magnus Dominus & laudabilis nimis,
qui parasti in dulcedine tua pauperi, Deus!
quām suavis est spiritus tuus! Caro tua ve-
rē est cibus, & sanguis tuus verē est potus.
O res mirabilis! Reverā non est alia Natio
tām grandis, quæ habeat Deos appropin-
quantes, sibi, sicut tu Deus noster ades
nobis.

O dulcissime Jesu! unde hoc mihi ut
tu Dominus meus venias ad me? Quis
ego sum, Domine Deus, & quæ domus
mea? Si enim cœlum & cœli cœlorum te
capere non possunt, quanto minus do-
mus hæc? quid est homo quia magnificas
eum, aut filius hominis, quoniam visitas
eum? aut quid apponis erga eum cor
tuum? Quam bonus Israël Deus!

*In spiritu humilitatis accede ad Deum qui
humilibus dat gratiam.*

Tu Rex cœli & terræ, Sanctus, Sanctus,
Sanctus, in ejus nomine omne genuflec-
titur; tu ad me venis qui pulvis sum & ci-
nis? tu me invitatis pauperem, servum &
humilem? quis audivit unquam tale?

Tu candor lucis æternæ, tu ad me venis?
ad me, qui apponens iniquitatem super ini-
quitatem, millies te, nihil mei ipsi, cru-
cifixi? confusio faciei tuæ cooperit me.

Exi à me Domine, quia peccator sum;
verè non sum dignus ut intres sub tec-
tum meum; quinimò non sum dignus vo-
cari filius tuus, quia peccavi in cœlum &
coram te, gratiam tuam, tuumque Sacra-
mentum in vacuum recipiens; & servire
te faciens iniuitatibus meis.

Exi ergò à me Domine. Verūm si
propter nimiam charitatem tuam desiderio
desideres intrare in cor meum, tu Domi-
ne qui ornasti cœlos, fac cor meum im-
maculatum, ut non confundar; aspice in
me & miserere mei, ô Deus, misericordia
mea!

Accede ad Dominum cum tremore.

Hortaris nos ô Jesu, ut frequenter co-
medamus panem & bibamus vinum quod
misquisti nobis; sed vicissim tuæ severita-
tis exempla me absterrent. Nonne metue-
re debeo ne cum Oza & Bethsamitibus
peream ad contactum & conspectum ar-
cæ sanctissimi tui corporis? Timeo ne

non habeam vestem nuptialem, & ne ea exutus mittar in tenebras exterioreas. Ecquid ergo faciam miser? si me elongaverim a te, peribo; si indignè manducaverim & biberim, judicium mihi manducabo & bibam; quid faciam? undique mihi sunt angustiae, & quid eligam ignoro.

Charissime in Christo Frater spera in Deo, gaude in Jesu tuo, qui non venit vocare justos sed peccatores; vocavit ad cœnam magnam pauperes ac debiles, cacos & claudos, hos compulit intrare: ille est Jesus. Modica fidei, quare dubitas? nonne bonitas ejus præstabilis est super malitia tua? Surge igitur & veni, tu qui laboras & oneratus es, ille reficiet te. Ecce tibi panis cœli adversus omnes qui tribulant te; vere trepidas timore, ubi non est timor; accede cum fiducia; culpe quotidiana, quas ille permittit, ut sis fervens & humilis corde, non debent te abstergere, præsertim si absit affectus, & adsit vincendi conatus: Surge velociter; grandis enim tibi restat via; comedere, ut in fortitudine cibi illius ambules usque ad montem Dei; hoc cibo confortatus, ab inimicis salvus eris, & vives in æternum. O verba bona! è verba consolatoria!

Lætatus sum in his quæ dicta sunt mihi: quare tristis es anima mea, & quare conturbas me? Nonne audisti vocem dilecti tui pulsantis? an non te ad se suaviter trahit? quid times? O Jesu! quis intelligit misericordias tuas? quis similis tibi?

Nunc scio quia areret cor meum, & prævalerer inimicus meus adversus me, si oblidiceret comedere panem meum: igitur introibo ad altare tuum, quoties, te propatio, nihil mihi conscient ero.

O Jesu, refugium meum! ad quem irem? tu solus verba vitæ æternæ habes: tu solus consolaris nos in omni tribulatione nostra. Unus ergo sit dolor meus, hac esca privari. S. Chrysost.

Fiducialiter agam in te, & non timebo, ò Salvator mi! tu es spes mea, tu es vita animæ meæ, beatus homo qui sperat in te!

Accede ad Dominum in animo contrito.

Infelix ego homo! tibi soli peccavi. Quid vilius? Quinimò iniquitates meæ multiplicatae sunt super capillos capitis mei. Væ mihi! cum essem notus tuus, dulces tecum capiens cibos, magnificavi

super te supplantationem , nec cognovi tempus visitationis meæ ; ego nequam fui , quia tu bonus : quid detestabilius ? quis ergo dabit capiti meo aquam , & oculis meis fontem lacrymarum , & polorabo die ac nocte ?

Doleo Domine , quia peccavi nimis in vita mea , doleo de peccatis , quia bonus es tu , & quia non Deus volens iniquitatem tu es , doleo propter te , ô dilecte mi ; sed quia parùm doleo , maximè doleo : doleam vehementius. Miserere mei Deus , quoniam in te confidit anima mea , ab occultis meis munda me Domine , & ab alienis parce servo tuo ; & quamvis , ut confido , jam mundatus sim , amplius lava me ab iniquitate mea , ut introïre idemtidem possim ad altare tuum , ubi , ut confido , renovabis juventutem meam : ne confundas me ab expectatione mea.

Nolo amplius peccare , etiamsi oportuerit me millies mori. Deducat me ac teneat dextera tua , Domine Jesu ; diffidam mihi , & fidam in te , qui cognoscens figmentum nostrum , das fortitudinem plebi tuæ.

Dilige Dominum Jesum , qui cum dilexis- set te , in finem dilexit te.

O dulcissime Jesu ! deliciæ tuæ sunt esse cum filiis hominum. Sacramentum hoc instituisti , ut cum illis esses usque ad consummationem sæculi . O Jesu ! tu me amanter invitas ad tuum Sacramentum , ut manducans hunc panem qui confirmat cor hominis , & bibens illud vinum germinans virgines , maneam in te , & tu in me , ac vivam in æternum. Dulcis amor ! quis non diligit te , ô totus desiderabilis ? Anathema illi qui non amat te , ô totus amor , ô totus amabilis !

O ignis , qui semper ardes & nunquam extingueris , accende cor meum ! O amor ! da ut anima mea liquefiat tui amoris igne. O Jesu ! amor mi , pone me ut signaculum super cor tuum , ut signaculum super brachium tuum , quia fortis est ut mors dilectio. Diligo te , ô dilecte mi , ex toto corde meo , ex tota anima mea , & ex totis viribus meis ; diligo te , ô fortitudo mea , ô Jesu , quia es totus amabilis , & quia prior dilexisti me. Moriatur cor meum , si non vivat amore tui.

Ecce voluntariè sacrifico tibi & præbeo cor meum ; omnia mea tua sunt ; sis tu dilectus meus mihi , & ego tibi. Quid

mihi hac mutua dilectione charius? quid mihi suavius?

O Deus charitas! ò vita animæ meæ! diligam te non verbo tantum & lingua, sed opere & veritate. Idcirco paratus sum, & non sum turbatus, ut custodiam judicia justitiae tuæ, & animam meam ponere pro te.

O amantissime Jesu! utinam nec vita, nec mors separent me à charitate tua! Diligo etiam proximum meum sicut meipsum; diligo & inimicos meos propter te; ne statuas illis ullum peccatum.

Ardenter desidera quem diligit anima tua.

Quàm dilecta tabernacula tua Domine virtutum! concupiscit & deficit anima mea in atria tua: in te, Rex meus, & Deus meus, in te exultant cor meum & caro mea. O panis Angelorum! quòd sapientius edo te, ed ardentiùs esurio. Quem admodum desiderat cervus ad fontes aquarum, ita desiderat anima mea ad te Deus; ita sitit in te anima mea, o desideratus cunctis gentibus!

Quid mihi est in cœlo, & à te quid volui super terram? o Deus cordis mei, o centrum animæ meæ! Quàm bonum est adhærere tibi Deo meo! cætera vanita-

H

& afflictio spiritus. Veni ergo, & noli tardare; o requies mea, & dulcis hospes animæ meæ: anima mea sicut terra sine aqua tibi; sed apud te est fons vitæ: veni, o Jesu, ut hauriens ego in gaudio de fontibus tuis aquam salientem in buvitam æternam, non sitiam in æternum.

O Jesu, fructus benedictus ventris Virginis Mariæ! in toto corde meo exquisiti te, veni, veni dilecte mi; veni, & jam me nemo despiciat.

O Jesu, pater orphanorum, judex viduarum, & defensor vitæ meæ, vide afflictionem meam, quoniam circumdederunt me mala, quorum non est numerus. Veni Domine Jesu, salva de ore leonis & de necessitatibus animam meam; si tu Deus pro me, quis contra me?

E quando consolaberis me, o Deus totius consolationis, & convertes planetum meum in gaudium mihi? Si moram feceris, expectans expectabo te quidem Dominum meum; sed tandem urgebo meipse, ut te inveniam, & teneam quem diligit anima mea; tunc pleniùs gaudebo & exultabo in te Jesu meo. Exurge ergo Christe, adjuva me; anima mea exultabit in te, & delectabitur super te salu-

H 3

tari meo: plenum erit gaudium meum.
Veni refugium meum, veni, paratum cor
meum, Deus; aut saltem, o Jesu, qui
sanctificasti tabernaculum tuum, præpa-
ra ipse cor meum: præparationem cordis
mei audiet auris tua, & mirificabis miser-
icordias tuas quæ à sæculo sunt.

CONSIDERATIONES UTILES.

DIE DOMINICA.

Considera Christum ut Regem.

O Rex gentium, & desideratus earum!
tu solus es dignus accipere divinitatem &
honorem.

O Rex meus & Deus meus! bonorum
meorum non indiges, & tamen desiderio
desideras ut Pascha novum manducem.
Eja ergo, o Rex pacifice, procede &
regna, dominare in medio inimicorum
tuorum. Adveniat regnum tuum, o prin-
ceps pacis!

Nonne tibi subjecta erit anima mea?
imò, o Rex regum, obediens ero tibi us-
que ad mortem; da quod jubes, & jube
quod vis.

FERIA II.

Considera Christum ut Patrem.

O Abba pater! tu vides quomodo mi-
sereatur pater filiorum suorum. Nemo
tamen pater quam tu, manus tuæ fecerunt
& plasmaverunt me, redemisti me in san-
guine tuo, & cibas me ex adipe frumen-
ti, nempe corpore & sanguine tuo: gran-
dis misericordia!

O Pater misericordiarum, qui non vis
mortem peccatoris, sed ut magis conver-
tatur & vivat, veni; sed veniat tecum
super me misericordia tua, ut repletus
adipe & pinguedine corporis tui, elec-
torum frumenti, te patrem meum hono-
rificare, & tanquam filius sapiens te læ-
tificare possim. Quid amplius à filio pater
exoptet?

FERIA III.

Considera Christum ut Magistrum.

O Jesu! via, veritas, & vita; o Jesu,
veni in cor meum, bonitatem & discipli-
nam & scientiam doce me; loquere ad
cor meum cum intraveris sub tectum
meum, audiam quid loquaris in me Do-

minus meus; eloquia tua eloquia casta, ignitum eloquium tuum vehementer; quidni servus tuus diligit illud? nonne illud est super mel ori meo? interim, o præceptor, ecce stō secūs pedes tuos, audiens verbum tuum: da servo tuo cordicile, ut custodiam sermones tuos, &c.

FERIA IV.

Considera Christum ut Medicum.

O Jesu! verè languores nostros tuo lizvōre sanasti: ego sum infirmus ille ad quēm sanandum de cœlo descendisti; ecce languet tepida anima mea, ecce jacet in domo mea paraliticus animus meus; sana animam meam quia peccavi tibi.

Ecce quem amas infirmatur: descendē priusquam moriar; non est opus valentibus medicus, sed malè habentibus; veni ergo, & dic animæ meæ: salus tua ego sum. O pie Samaritane, infunde vulneribus meis vinum contritionis, & oleum misericordiæ.

O lux vera! quæ illuminas omnem hominem, miserere mei, fac Domine ut videam.

O Jesu, salus mea! ecce me leprosum;

sed si vis potes me mundare; dic ergo: *Mundare:* vivet anima mea & laudabit te.

O Jesu! si solummodò pertransiens curabas omnes, si umbra Petri curabat infirmos, nonne ego confidere debeo, quia intrante te sub tectum meum, & in me inhabitante cum plenitudine divinitatis, sanabor ab infirmitate mea, quamvis sit ad mortem? Adauge fidem meam, ut fides mea me salvum faciat.

Veni ergo Deus salutis meæ: jam imperante te morbis meis, derelinquet me febris superbiæ, iracundiæ, teporis: exultabit cor meum in te salutari meo.

Verùm ne quid deterius contingat mihi, da, ut postquam sanus factus fuerō, non amplius peccem. Væ mihi! quam vilis fierem, iterans vias meas? Heu, heu, hoc periclitor; operi manuum tuarum porrige dexteram.

FERIA V.

Considera Christum ut Pastorem.

O Jesu! Pastor bone, qui cognoscis oves tuas, & pro illis animam tuam posuisti, easque in gremio cordis tui pinguedine tua reples, quære servum tuum:

erravi sicut ovis quæ periit, video lupum
venientem, & jamjam me rapientem. Eja
ergo, veni defensor vitæ meæ, propera,
rege me, & nihil mihi deerit in loco pas-
cuæ, in circuitu mensæ tuæ ubi me col-
locasti. Salva à cornibus unicornium hu-
militatem meam; custodi me Domine ut
pupillam oculi, dulcissime protector mi!
ò Jesu; tu es refugium meum in hac ter-
ra deserta, invia, & inaquosa. Jacto su-
per te omnem curam meam; contendam
ego semper sequi viam arctam & bonam
per quam ambulem, & tu dux meus prop-
ter nomen tuum deduces me & enutries
me: sub tegmine alarum tuarum sperabo,
donec adducas me ad pascua vitæ æternæ.

FERIA VI.

Considera Christum ut Redemptorem.

O Jesu! redemptor piissime, dilexisti
me, tradidisti te ipsum pro me, & lavas-
ti me in sanguine tuo, ut me redimeres
ab omni iniquitate: mirabilis misericordia!

O Agne immaculate! non solum rede-
misti me pretioso sanguine tuo, sed etiam
hunc sanguinem tradidisti mihi bibendum,
ut amplius lavarer ab iniquitatibus meis,

& ut super nivem dealbatus, jam in hoc
deserto torrente voluptatis potarer, &
mundus corde te viderem in celo. O mag-
num pietatis Sacramentum!

O Redemptor clementissime! redime
me & miserere mei: vide quia non est
qui redimat neque qui salvum faciat; sed
apud te Domine Jesu misericordia, apud
te est copiosa redemptio; proba me, &
scito cor meum, & si via iniquitatis in
me est, lava me in sanguine tuo antequam
accedam ad altare tuum, ne bibens in-
digne sanguinem tuum, bibam judicium
meum. Nefandum scelus! bonum mihi es-
set si natus non fuisset. O Jesu! dilec-
te, candide, rubicunde, admitte me pro-
pitius intrarem in sancta sanctorum per
sanguinem tuum; calicem salutaris acci-
piam, nomen tuum invocabo, & salvus ero.

SABBATO.

Considera Christum ut Sponsum.

O sponsa sanguinum! sponsa me tibi
hodiè in misericordia & miserationibus.

O Jesu amator, speciose præ filiis ho-
minum! trahe me post te funiculis cha-
ritatis tuæ.

O Jesu! zelator animarum, Deus meus, ignis consumens, qui facis Angelos tuos spiritus, & ministros tuos ignem urentem; veni, ure renes meos & cor meum; ignem venisti mittere in terram, & quid vis nisi ut accendatur?

Veni, o sponsa mihi, veni, quia amore langueo; ecce aret cor meum, refrigescit charitas mea; idcirco ecce venio obviam tibi, ut veniente te, o dilecte mihi, ardens sit cor meum, & liquefiat tui amoris igne.

Veni Domine Jesu; & sicut igne examinatur & probatur argentum, ita amoris tui igne examina cor meum, ut non inventari in me iniquitas. Amo te mihi Jesu, & si adjuveris me Deus salutaris meus, aquæ multæ non poterunt extinguere charitatem tuam.

Specta fines ad quos ex vi institutionis sacrificium, adeoque sacramentum offerri debet.

I. Est latreuticum, seu holocaustum offerendum Deo in agnitionem supremi ejus dominii, & tanquam summus cultus supreme ejus majestati debitius.

O Pater æterne! ex quo, per quem, in quo sunt omnia, & cuius Filius, non propriam quærens gloriam, tradidit semet-

ipsum oblationem & hostiam tibi in odorem suavitatis; ego quoque, quemadmodum ille fecit, ita & faciens, immolo tibi hodiè sacrificium laudis, & reddo tibi altissimo vota mea. Tu es Dominus altissimus super omnem terram, vitæ & mortis potestatem habes: in te vivo, moveor, & sum, præbeo tibi cor meum in sempiternum & rationabile obsequium. Servus tuus sum ego, eligo te hodiè in hoc sacrificio in Regem & Deum meum qui facis mirabilia magna solus; in manus tuas commendo spiritum meum; quod bonum in oculis tuis est, facias semper.

II. Est Eucharisticum, seu pacificum, offerendum Deo in gratiarum actionem pro innumeris ejus beneficiis.

Deus misericors & patiens, sic dilexisti mundum ut Filium tuum unigenitum dares, proprio Filio tuo non pepercisti, & cum illo omnia nobis donasti; donasti siquidem Filium qui non rapinam arbitratus est esse se æqualem Deo: formam servi accipiens, semetipsum exinanivit, factus pro me obediens usque ad mortem, mortem autem crucis; & qui pridiè quam pateretur, dedit mihi corpus & sanguinem, ut hæres quidem tui, cohæres illius essem. Mirabi-

lis Deus! Benedictus in donis suis [Pater misericordiarum!]

Benedic ergo anima mea Dominum, & omnia quæ intrâ me sunt nomini sancto ejus. Verùm, ò Pater æterne, quid retribuam tibi pro omnibus quæ retribuisti mihi? Quid? ecce calicem salutaris accipiam, & nomen tuum invocabo. Dediti mihi unigenitum Filium tuum, & cum eo omnia mihi donasti: ego quoque in gratiarum actionem pro omnibus beneficiis tuis, creationis, redemptionis, vocationis, conservationis, gubernationis, &c. offeram tibi hunc dilectum Filium, in quo tibi benè complaces, & cum illo cor meum.

III. Est propitiatorium, offerendum Deo in propitiationem peccatorum.

O Pater misericordiarum, tibi soli peccavi! Hei mihi! iniquitates meæ supergressæ sunt caput meum; sed habeo apud te advocatum Jesum Christum, qui factus est propitiatio pro peccatis meis, reconciliavit me tibi in sanguine suo. Respice ergo in faciem Christi tui, qui peccata mea portavit in corpore suo super lignum: quamvis iratus fueris, misericordiæ recordaberis, & propitius eris mihi peccatori. Quapropter copiosam ejus redemptionem offero ti-

bi in hac Missa, in qua idem Christus incruenter immolatur, qui in ara crucis semel seipsum cruentus obtulit. *Trid.*

IV. Est impetratorium, offerendum Deo ad impetranda bona animæ & corporis, & avertenda quacumque mala; idque pro nobis metipsis amicis & inimicis, justis & peccatoribus, vivis & defunctis.

O Pater amantissime, cuius voluntas sanctificatio mea, memento hujus quod suggerit Filius tuus: *Si quid petieritis Patrem in nomine meo, dabit vobis;* ecce nomen ejus, Jesus, qui proposito sibi gaudio sustinuit crucem, ecce nomen in quo oportet me salvum fieri; hic est Filius tuus dilectus; igitur propter gloriam nominis ejus, propter ejus merita infiniti valoris, da mihi cor contritum & humiliatum, da mihi hanc charitatem quæ operit multitudinem peccatorum, concede mihi ut sim pastor juxta cor tuum, fidelis dispensator mysteriorum tuorum, ut sim mitis & humilis, & quæ placita sunt tibi faciam semper, ut cum timore & tremore salutem meam operer, ut inhabitem in domo tua omnibus diebus vitæ meæ, &c.

Opera pretium est, ut tibi præfigas unum finem particularem, scilicet vel extirpationem

illius viii quo laboras, & quod aliorum est origo, vel assecutionem illius virtutis cuius præcipue eges.

V. Quia hoc mysterium institutum est à Christo in memoriam passionis sua, perutile est, Deoque gratissimum, speciali directio ne intentionis illud offerre in memoriam & venerationem passionis Dominice.

Denique quia omnis nostra diligentia & omnis præparatio minor est quam ut tantiis mysteriis sufficiens esse queat, merito opem à Deo, à Beata Virgine, Angelo tutelari, SS. Patronis, & Cælitibus omnibus subsidiu mque postula.

I. Itaque roga Deum per merita Filii, & omnium Sanctorum, ut gratiam tibi præstet dignè celebrandi Missam, & suscipiendo hoc Sacramentum.

II. Repræsentatis Christo peccatis, im-
perfectionibus, omnibusque necessitatibus tuis,
per merita passionis & sanguinis ejus pete
veniam, & pie celebrandi ac communicandi
gratiam.

III. Ad Spiritum sanctum humiliter con-
vertere, ut donis suis Christo Jesu dignum
in te præparet habitaculum, sicut fecit in
Virgine Deipara.

IV. Implora opem Sanctorum, ut tibi

gratiam sanctæ Communionis impetrare.

O sancti Dei omnes, per eum vos rogo quem facie ad faciem, nos autem hic per speculum videmus, & velatum in hoc Sacramento suscipimus; succurrite mihi, quæso, vestris precibus apud Deum, ut sic illum nunc in Sacramento possim recipere, ut aliquando eum in propria specie vobis cum merear videre.

Tu præcipue, ò sacratissima Virgo Ma-
ria, cujus illam humilitatem respexit Deus,
ex qua beatam te dicent omnes genera-
tiones, & fecit tibi magna qui potens est; dis-
cam à te, & à Filio tuo qui humilibus dat
gratiam, esse mitis & humilis corde, ut
magnificet anima mea Dominum, & exultet
spiritus meus in Deo salutari meo.

O Maria Virgo, quæ Spiritu sancto coor-
perante gratia plena, Deum, & hominem
purissimis visceribus concipere & portare
meruisti; impetra mihi, quæso, gratiam
Spiritus sancti per amorem Filii tui, ut &
ego eum dignè in hoc Sacramento excipe-
re & portare valeam.

Adsis, ò Angele custos, & clientem
tuum pio ductu dirige; ut panem illum
Angelorum, Dominum cœli & terræ de-
center excipiám.